

“Payme x TBC” AKSIYA QOIDALARI

I. UMUMIY QOIDALAR

- 1.1. Mazkur Qoidalar shartnomaning barcha muhim shartlarini o‘z ichiga oladi va O‘zbekiston Respublikasi Fuqarolik kodeksining (keyingi o‘rinlarda “O‘zbekiston Respublikasi Fuqarolik kodeksi” deb yuritiladi) 367-moddasi va 369-moddasining ikkinchi qismiga muvofiq ommaviy oferta hisoblanadi. Ushbu Qoidalarda ishtirok etish shartlari, G‘oliblarni aniqlash va Sovrinlarni topshirish tartibi, shuningdek, “INSPIRED” MChJ QK (**Payme**) va “TBC Bank” ATB (**Bank**) tomonidan tashkil etiladigan qo‘shma Aksiyani tashkil etish va o‘tkazishning boshqa muhim shartlari bayon etilgan.
- 1.2. Ushbu Qoidalar Payme mobil ilovasi va Bank mahsulot/xizmatlarini O‘zbekiston Respublikasida ommalashtirishga qaratilgan rag‘batlantiruvchi tadbir bo‘lib, aksiyani tashkil etish (bundan keyin “Aksiya” deb yuritiladi) va o‘tkazish jarayonini tartibga soladi.
- 1.3. Aksiya tashkilotchisi “INSPIRED” mas‘uliyati cheklangan jamiyati shaklidagi qo‘shma korxonadir (“Payme” savdo belgisi egasi), manzil: 100077, Toshkent sh. Chust ko‘chasi, 1-uy va “TBC Bank” aksiyadorlik tijorat banki, manzil: 100015, Toshkent sh. Fidokor ko‘chasi, 10B uy (bundan keyin “Tashkilotchi” deb yuritiladi). Payme Call-Markazi 24/7: +998 (78) 150 22 45
+998 (71) 200 02 05 Bank
Call-Markazi 24/7:
+998(78) 777-27-27
- 1.4. Aksiya g‘olibi 16 (o‘n olti) yoshga to‘lgan istalgan jismoniy shaxs bo‘lishi mumkin, aksiya Tashkilotchilarining xodimlari (Tashkilotchilar bilan mehnat shartnomasini tuzgan shaxslar), shuningdek, ular bilan affilangan jismoniy shaxslar bundan mustasno.
- 1.5. Aksiya lotereya yoki tavakkalchilikka asoslangan boshqa o‘yin emas va Aksiya ishtirokchilari Aksiyada ishtirok etish bilan bog‘liq hech qanday mulkiy xavflarga ega emaslar. Aksiyani o‘tkazish tartibi ishtirokchilar tomonidan badal to‘lash bilan bog‘liq emas va aksiyaning sovrinlar jamg‘armasi faqat Tashkilotchi mablag‘lari hisobidan shakllantiriladi.

II. AKSIYA SHARTLARI

2.1. Aksiyaning sovrinlar jamg‘armasi

Sovrinlar jamg‘armasi Tashkilotchi mablag‘lari hisobidan shakllantiriladi.

Aksiya tashkilotchisining sovrinlari: Apple

iPhone 14 - 10 dona.

*G‘oliblar Sovrinni boshqa sovrin yoki pul ekvivalentiga almashtira olmaydi.

2.2. Aksiya o‘tkazish muddati:

Boshlanish sanasi: 2022 yil 1 dekabr, soat 00:00 da. Tugash

sanasi: 2022 yil 31 dekabr, soat 23:59 da.

2.3. Aksiyada ishtirok etish shartlari:

Aksiya ishtirokchisi bo‘lishni xohlovchi har bir shaxs bir vaqtning o‘zida quyidagi barcha shartlarni bajarishi kerak:

- a) Payme mobil ilovasida ro‘yxatdan o‘tgan foydalanuvchisi, Bankning verifikatsiyadan o‘tgan mijozi bo‘lishi va Payme mobil ilovasida ro‘yxatdan o‘tgan, Bankda o‘z nomiga chiqarilgan Aksiya muddati davomida faol bo‘lgan bank kartasiga ega bo‘lishi kerak;
- b) Mobil telefonda Payme ilovasining so‘nggi yangilangan versiyasi o‘rnatilgan bo‘lishi kerak;
- c) Aksiya muddati davomida Payme mobil ilovasida Bank kartasi orqali 50 000 so‘m miqdorida istalgan tranzaksiyani amalga oshirishi shart.

2.4. Aksiyani o‘tkazish va Aksiya g‘oliblarini aniqlash tartibi:

01.12.2022 yil soat 00:00 dan 31.12.2022 yil soat 23:59 gacha Payme ilovasi foydalanuvchilari Bank kartasidan 50 000 so‘m va undan ko‘proq miqdorda tranzaksiyani amalga oshirishlari kerak. Payme barcha ishtirok etish shartlarini to‘g‘ri bajargan ishtirokchilarga noyob raqamlar beradi va Payme mobil ilovasida Push-xabarnomalarni yuborish orqali ularning noyob raqamlari haqida xabar beradi.

Aksiya muddati tugagandan so'ng, Bank g'oliblarni aniqlash maqsadida o'yin o'tkazadi. Sovrinlar o'ynalishi bankning ijtimoiy tarmoqlardagi rasmiy sahifasi orqali onlayn jonli efir formatida o'tkaziladi. O'yinning aniq sanasi va boshqa batafsil ma'lumotlar o'yin boshlanishidan kamida 3 (uch) kalendar kun oldin Bank tomonidan Bankning rasmiy veb-sayti va boshqa axborot kanallari orqali e'lon qilinadi.

Agar o'yin davomida jismoniy shaxs bir martadan ortiq tasodifiy tarzda tanlab olingan bo'lsa, ikkinchi marta va keyingi safar u o'yinlarda g'olib bo'lmaydi va boshqa g'olibni aniqlash uchun sovrinlar o'yini takroran o'tkaziladi.

2.5. Aksiya G'oliblariga Sovrinlarni berish tartibi:

2.6. G'oliblar ro'yxati (ularning noyob raqamlari va niqoblangan telefon raqamlari) veb-saytda e'lon qilinadi www.tcbank.uz.

- 2.6.1. Aksiya g'oliblari Bank tomonidan sovrinni olish tartibi to'g'risida SMS-xabar va/yoki boshqa usullar bilan xabardor qilinadi.
- 2.6.2. Sovrinlar faqat Aksiya g'oliblariga yoki ularning vakillariga sovrinni olish uchun ishonchnoma taqdim etilgandan keyin beriladi.
- 2.6.3. G'oliblar e'lon qilingan kundan e'tiboran 1 (bir) oy ichida Aksiya g'oliblari yoki ularning vakillari qatnashmaganligi ularning aksiyani olishdan bosh tortishi deb hisoblanadi.
- 2.6.4. G'olib Sovrinni olish va Bankni xabardor qilish uchun bir martalik istalgan Bank xizmatlar markazini (BXM) tanlash huquqiga ega. Bunday xabar berilgan kundan boshlab 14 (o'n to'rt) kun ichida Bank tanlangan BXMda Sovrin mavjudligini ta'minlash majburiyatini oladi.
- 2.6.5. Ushbu aksiya bo'yicha yutuq (yutuqlar) berilishi munosabati bilan kelib chiqadigan tegishli soliqlar va davlat budjetiga majburiy to'lovlarni to'lash Bank tomonidan O'zbekiston Respublikasining Soliq kodeksi va qonun hujjatlarida belgilangan tartibda amalga oshiriladi. Sovrinni topshirilishi qabul qilish dalolatnomasi bilan tasdiqlanadi.

Shu bilan birga, sovrinni olish uchun G'olib Bankka quyidagi hujjatlarni taqdim etishi kerak:

- g'olib pasportining asl nusxasi;
- g'olibning JShShIR ma'lumotlari.

III. BOSHQA QOIDALAR

- 3.1. Aksiyada ishtirok etish www.tcbank.uz va www.payme.uz saytlarida joylashtirilgan Aksiya qoidalarini Ishtirokchi tomonidan to'liq va so'zsiz qabul qilishini anglatadi, shuningdek, mobil ilovada ro'yxatdan o'tish vaqtida Ishtirokchi tomonidan taqdim etilgan shaxsiy ma'lumotlarni O'zbekiston Respublikasining 2019 yil 2 iyuldagi "Shaxsiy ma'lumotlar to'g'risida"gi O'RQ-547-sonli Qonuniga muvofiq Tashkilotchi tomonidan o'tkaziladigan reklama, marketing va boshqa dasturlar hamda aksiyalarda ishtirok etish maqsadida qayta ishlanishiga Ishtirokchi rozilik bildirganini hamda ko'rsatilayotgan xizmatlar sifatini oshirishga qaratilgan tadqiqotlarni amalga oshirish, shu jumladan marketing va/yoki statistik va/yoki boshqa tadqiqotlar o'tkazishni anglatadi.
- 3.2. Tashkilotchi turli aloqa vositalaridan foydalangan holda Ishtirokchi bilan bevosita muloqot qilishi mumkin, shu jumladan (cheklovsiz) pochta jo'natmasini amalga oshirishi, Ishtirokchining elektron pochta manziliga xabar jo'natishi, mobil telefon raqamiga (SMS xabar) tegishli ma'lumotlarni yuborishi, shuningdek, O'zbekiston Respublikasining "Reklama to'g'risida"gi Qonuni (1998 yil 25 dekabrda 723-I-son) 4-moddasi ma'nosida reklama tushunchasiga mos keladigan ma'lumotlarni va Tashkilotchi tomonidan O'zbekiston Respublikasining amaldagi qonunchiligida nazarda tutilgan majburiyatlarni bajarish maqsadida yuborishi mumkin.
- 3.3. Ishtirokchi Aksiyada ishtirok etish orqali O'zbekiston Respublikasi qonunchiligi talablariga muvofiq o'z xohishi va manfaatlarini ko'zlab ish yuritib, Tashkilotchiga quyidagilar bo'yicha o'z roziligini beradi (O'zbekiston Respublikasining 2019 yil 2 iyuldagi O'RQ-547-sonli "Shaxsiy ma'lumotlar to'g'risida"gi Qonuniga muvofiq): ma'lumotlarni qayta ishlash (yig'ish, qayd etish, tizimlashtirish, to'plash, saqlash, tasdiqlash, aniqlashtirish (yangilash, o'zgartirish), foydalanish, tarqatish, taqdim etish, uzatish (shu jumladan transchegaraviy o'tkazish), shaxssizlashtirish, bloklash va Tashkilotchi va uning kontragent/Hamkorlari tomonidan Ishtirokchining shaxsga doir ma'lumotlarini yo'q qilish), shu jumladan avtomatlashtirish vositalari va avtomatlashtirilgan

ma'lumotlar bazasini boshqarish tizimlari, boshqa dasturiy vositalardan foydalanish, shuningdek, Ishtirokchining shaxsiy ma'lumotlarini Tashkilotchilar va uning kontragentlarining ichki tarmog'i va Internet tarmog'i orqali uzatmasdan qo'lda, avtomatlashtirilgan va aralash ishlov berishga rozilik beradi. Amaldagi ishlov berish usullari quyidagilarni o'z ichiga oladi, shu jumladan (cheklovsiz), ma'lumotlar bazasini zarur mezonlar bo'yicha segmentatsiyalash.

- 3.4. Ushbu rozilik Ishtirokchi tomonidan unga tegishli har qanday ma'lumotlarga nisbatan yuqoridagi maqsadlarga erishish uchun zarur yoki kerakli bo'lgan Ishtirokchining shaxsiy ma'lumotlariga nisbatan har qanday xatti-harakatni amalga oshirish uchun beriladi, shu jumladan, lekin ular bilan cheklanmagan holda: familiyasi, ismi, otasining ismi; jinsi; tug'ilgan yili, oyi, sanasi (O'zbekiston Respublikasi qonun hujjatlarida nazarda tutilgan hollarda, xususan, O'zbekiston Respublikasining Soliq kodeksiga muvofiq holatlarda shaxsni tasdiqlovchi hujjatning rekvizitlari (pasport raqami, berilgan sana, hujjatni bergan organning nomi, shuningdek, ro'yxatdan o'tkazilganligi to'g'risidagi ma'lumotlar), mobil telefon raqamlari, elektron pochta manzili va boshqa ma'lumotlar.
- 3.5. Mazkur Qoidalarga muvofiq Ishtirokchining shaxsiy ma'lumotlarini qayta ishlashda ishtirok etuvchi uchinchi shaxslarni tanlash huquqi Ishtirokchi tomonidan Tashkilotchilarga beriladi va qo'shimcha tasdiqlashni talab qilmaydi.
- 3.6. Tashkilotchi tomonidan shaxsga doir ma'lumotlarga ishlov berish O'zbekiston Respublikasining amaldagi qonunchiligiga muvofiq amalga oshiriladi.
- 3.7. Aksiyada ishtirok etish orqali Aksiya G'olibi deb topilgan Ishtirokchi, shuningdek, uning familiyasi, ismi, otasining ismini, suratga olish va suratini Tashkilotchining www.tbcbank.uz saytida va bosma nashrlarda e'lon qilishga, radio va televideniye dasturlarida, Internet ommaviy axborot vositalarida va axborotni ommaviy tarqatishning boshqa vositalarida, shu jumladan (cheklovsiz) Instagram, VKontakte, Facebookda joylashtirishga rozilik beradi.
- 3.8. Agar ushbu Qoidalarga rioya qilinmagan taqdirda/Aksiya shartlarini bajarishdan bo'yin tovlash maqsadida nohaq xatti-harakatlarga yo'l qo'ysa va hokazo, Tashkilotchi Aksiya Ishtirokchisini Aksiyada ishtirok etishdan so'zsiz chetlashtirishga haqli. Shu bilan birga, Tashkilotchi ko'rsatilgan Ishtirokchi(lar)ga nisbatan o'z xatti-harakatlariga izoh bermaslik huquqiga ega.
- 3.9. Aksiya Ishtirokchisi o'zi haqida noto'g'ri va/yoki aniq bo'lmagan ma'lumotlarni ko'rsatishi sababli yuzaga kelishi mumkin bo'lgan har qanday salbiy oqibatlar xavfini to'liq o'z zimmasiga oladi.
- 3.10. Ushbu rag'batlantiruvchi tadbirga muvofiq Aksiyaning natijasi yakuniy hisoblanadi va sud tartibida shikoyat qilinishi mumkin emas.
- 3.11. Aksiya Ishtirokchisi istalgan vaqtda Aksiya Tashkilotchilariga murojaat qilib, Aksiyada ishtirok etishni rad etishga haqli.
- 3.12. Tashkilotchi Aksiya Ishtirokchisi yoki uchinchi shaxsda ushbu Aksiyani o'tkazish bilan bog'liq barcha va har qanday sarf-xarajatlarni qoplamaydi.
- 3.13. Tashkilotchi telekommunikatsiya va energiya tarmoqlaridagi nosozliklar, zararli dasturlar, shuningdek, uchinchi shaxslarning "INSPIRED" MChJ QK va "TBC Bank" ATB dasturiy va/yoki apparat majmuasiga ruxsatsiz kirishga va/yoki ishdan chiqarishga qaratilgan nomaqbul xattiharakatlari tufayli o'z majburiyatlarini bajarmaganligi yoki lozim darajada bajarmaganligi uchun javobgar emas.
- 3.14. Agar biron-bir sababga ko'ra ushbu Aksiya yoki uning bir qismi kompyuter viruslari, nuqsonlar, manipulyatsiyalar, ruxsatsiz aralashuvlar, qalbakilashtirish, texnik muammolar yoki Tashkilotchining nazorati ostida bo'lmagan Aksiyaning ijrosi, xavfsizligi, halolligi, yaxlitligi buzilsa yoki ta'sir ostida qoladigan har qanday sabablarga ko'ra rejalashtirilgan tarzda amalga oshirilmasa, Tashkilotchi bir tomonlama tartibda Aksiyani to'xtatish yoki bekor qilish yoki uning alohida Ishtirokchilarini o'yindan chetlashtirish huquqiga ega.
- 3.15. Tashkilotchi so'zsiz istalgan vaqtda Ishtirokchini oldindan shaxsan ogohlantirmasdan ushbu Qoidalarga o'zgartirish va/yoki qo'shimchalar kiritish yoki tegishli ma'lumotlarni veb saytga joylashtirish orqali Aksiyani tugatish / to'xtatib turish / bekor qilish huquqini o'zida saqlab qoladi www.tbcbank.uz.
- 3.16. Aksiya bilan bog'liq barcha nizolar muzokaralar yo'li bilan hal qilinadi. Muzokara yo'li bilan kelishuvga erishishning imkoni bo'lmasa, nizo O'zbekiston Respublikasining amaldagi qonunchiligiga muvofiq ko'rib chiqilishi kerak.

